

Ysgol Gymraeg Cwmbwrân

Dosbarth Derbyn

Reception Class



Llyfryn Gwybodaeth
Information Booklet

'Cawsom Iaith I'w Chadw'

Dysgu a chyflawni gyda'n gilydd

Annwyl Riant / Warcheidwad,
Croeso i Ysgol Gymraeg Cwibrân. Rydyn ni'n hyderus y bydd cyfnod eich plentyn gyda ni yn yr ysgol yn un hapus. Gobeithiwn bydd y llyfryn hwn o fudd i chi ac yn ateb llawer o'r cwestiynau sydd gennych.
Diolch yn fawr!

Ysgol Gymraeg Cwibrân

Ffordd Henllys

St Dials

Cwibrân

Torfaen

NP44 4HB

Ffôn: 01633 483383


Gwefan: www.ysgolgymraegcwibran.co.uk

Twitter: @YGCwibran

Schoop: 10319

Pennaeth: Miss Catrin Evans

Cadeirydd y Llywodraethwyr: Mrs Jo Lewis



Cawsom Iaith i'w Chadw

Trefniadau ar gyfer dechrau yn y derbyn

Mae dechrau yn y derbyn yn gam mawr ar gyfer bob plentyn a byddwn yn gwneud ein gorau glas i sicrhau bod y broses mor hawdd â phosib i bob un. Trefnir cyfarfod i'r rhieni/gwarchodwyr a phlant y derbyn newydd yn ystod tymor yr Haf cyn mynediad y plant i'r derbyn yn y mis Medi canlynol. Bydd cyfle i'r plant ymweld â'r ystafell ddosbarth a chwrdd â'r staff a fydd yn gofalu amdanynt.

Oriau'r ysgol

Mae'r ysgol yn dechrau'n brydlon am 9:00y.b. ac yn gorffen am 3:15y.h. ar gyfer y plant hynny sydd yn y Derbyn i flwyddyn 6, ac am 3.25 ar gyfer y plant hynny sydd ym mlynnyddoedd 3-6. Mae prydlondeb yn bwysig iawn a rhaid i bob disgybl fod yn yr ysgol yn barod i gofrestru cyn 9:00yb.

Dylech ddod â'ch plentyn i flaen yr ysgol. Yma, bydd eich plentyn yn cael ei groesawu gan aelod o staff a'i dywys i'r dosbarth.

Amser adref, bydd staff yn tywys y plant o adeilad yr ysgol. Dylid casglu POB disgybl o'r iard ganol. Gofynnwn yn garedig i chi gadw pellter oddi wrth y staff a'r plant fel y gallwn sicrhau ein bod yn gallu trosglwyddo pob plentyn yn ddiogel i ofal ei riant/gwarcheidwad.

Gwneir trefniadau eraill ar gyfer y rheiny sy'n teithio i ysgol ar drafnidiaeth ysgol.

Yn anffodus, nid oes unrhyw le i rieni / gwarchodwyr barcio ar safle'r ysgol. Er mwyn sicrhau diogelwch pawb ar y safle, rhaid i chi barcio tu fas i'r ysgol a cherdded i gwrdd â'ch plentyn. Gofynnwn yn garedig i chi sicrhau eich bod chi'n feddylgar tuag at ein cymdogion wrth barcio.



Helpu eich plentyn i setlo

Anogwch eich plentyn i fod yn annibynnol - mae'n rhoi hyder iddynt.

Pan fydd eich plentyn yn dechrau yn y derbyn, bydd yn help mawr os fedrai:

- Mynd i'r tŷ bach yn annibynnol, tynnu'r 'flush' a golchi a sychu dwylo. (Mae'n bwysig iawn bod plant yn deall pwysigrwydd golchi dwylo'n dda fel nad yw germau yn cael eu lledu.) Y disgwyliad yw bod y plant yn sych yn dod i'r ysgol ac yn gallu sychu eu hunain yn annibynnol.
- Gofalu am eiddo personol e.e. adnabod pa got sy'n perthyn iddo a'i rhoi ar fachyn.
- Gwisgo eu hunain e.e. cot, esgidiau glaw ac esgidiau.
- Adnabod eu henwau, fel y medrant adnabod eu bachyn cot.
- Tacluso a chymryd cyfrifoldeb am deganau.
- Bwyta'n annibynnol, er enghraifft, defnyddio cwpan, cyllell a fforc yn gywir, gosod ffrwyth yn y bin wedi amser ffrwyth.



Cyswllt ysgol a chartref

Mae cyd-weithio rhwng yr ysgol a'r cartref yn hanfodol ac mae'n bosib i chi helpu eich plentyn mewn sawl ffordd. Y ffordd orau yw i annog eich plentyn ac i glodfori ei ymdrechion.

Os oes gennych unrhyw bryderon am eich plentyn, mae croeso i chi drefnu apwyntiad gyda'r ysgol ar unrhyw adeg.



Cinio ysgol

Ceir dewis dyddiol o stondin salad neu ginio twym. Mae'r fwydlen yn caei ei danfon adref ar ddechrau bob tymor gyda'r bwyd sydd ar gael bob dydd ac mae hefyd ar gyfrif Twitter yr ysgol yn wythnosol. Os nad ydy eich plentyn eisiau cinio ysgol, gall ddod â phe cyn cinio i'r ysgol.

Byrbryd dyddiol

Rydym yn darparu diod o laeth i'r plant yn ddyddiol a dylent ddod â photel o ddŵr (yn unig) gyda nhw bob dydd. Rydym yn hapus i ail-lenwi'r botel os oes angen. Gallent ddod â darn o ffrwyth (wedi'i baratoi o flaen llaw) gyda nhw ar gyfer egwyl y bore.

Ni chaniateir unrhyw fwydydd/diodydd eraill ar wahân am becyn cinio.

Mae'n hollbwysig eich bod yn gadael i ni wybod os oes unrhyw alergedd bwyd gyda'ch plentyn.



Salwch ac absenoldeb

Os ydy eich plentyn yn mynd i fod yn absennol, gofynnwn i chi hysbysu'r ysgol cyn gynted ag y bo modd a chyn 9 o'r gloch. Byddwn yn cysylltu gyda chi os ydy eich plentyn yn sâl yn ystod y dydd ac felly, mae'n hollbwysig bod eich manylion cyswllt yn cael eu diweddarau yn ôl yr angen.

Meddyginiaeth

Gofynnwn yn garedig i chi geisio amseru moddion eich plentyn tu allan i oriau ysgol. Os oes angen rhoi meddyginiaeth neu bwmp asthma i'r plant yn ystod oriau ysgol, bydd angen i chi lenwi ffurflen ganiatâd a sicrhau bod enw eich plentyn ar y meddyginiaeth.

Gwisg ysgol

Er mwyn creu teimlad o 'berthyn' i'r ysgol, rydym yn annog y plant ar draws yr ysgol i wisgo gwisg ysgol. Lliwiau'r ysgol yw coch a llwyd. Mae'n bosib i ddewis e.e. trowsus/sgert/tracwisg neu rywbeth tebyg mewn llwyd gyda siwmpwr/cardigan ysgol sy'n goch, gyda bathodyn yr ysgol. Mae'n bosib i archebu'r wisg o siop Pretty Miss yng Nghwmbrân.

Ffôn: 01633 484408. **Gwefan:** www.kidsschoolkits.com

Sicrhewch, os gwelwch yn dda, bod enw eich plentyn ar bob dilledyn.

Gwisgwch eich plant mewn dillad addas i'r tywydd. Byddwn yn ceisio mynd allan ym mhob tywydd - glaw, gwynt, haul neu eira.



Dillad Sbâr



Mae damweiniau yn digwydd, felly pan fydd eich plentyn yn dechrau yn y derbyn, a wnewch chi ddanfôn i mewn i'r ysgol bag o ddi-llad sbâr ag enw eich plentyn arno?

Bydd y bag yn cael ei gadw yn yr ysgol tan fod ei angen. Gofynnwn bod y bag yn cael ei ail lenwi os oes rhywbeth yn cael ei ddefnyddio.

Addysg Gorfforol

Cynhelir dwy sesiwn Addysg Gorfforol bob wythnos.

Sesiwn tu fas: Bydd y sesiwn hon yn digwydd tu allan, ar iard yr ysgol. Nid oes angen unrhyw ddillad arbennig ar gyfer y sesiwn iard. Byddwn yn defnyddio'r beiciau, y ffrâm ddringo a.y.y.b yn ystod y sesiwn hon.

Sesiwn tu fewn: Ar gyfer y sesiwn hon, bydd angen i'r plant newid mewn i'w dillad Addysg Gorfforol. Gofynnwn yn garedig i chi ddanfôn bag mewn i'r ysgol (gydag enw eich plentyn arno) yn cynnwys pâr o siorts / tracwisg a chrys-T. Yn yr haf, bydd angen esgidiau ymarfer ar y plant er mwyn rhedeg tu fas.



Disgyblaeth

Mae disgyblaeth yn Ysgol Gymraeg Cwmbrân yn gadarn ond yn deg ac yn gyson. Dysgir, a disgwylir i'r plant drin offer yn ofalus, ac i dacluso ar eu holau. Rydym yn canmol y plant yn gyson. Os oes gennych chi neu eich plentyn bryderon, trafodwch gyda'r athro dosbarth. Credwn yn gryf ei bod hi'n bwysig iawn i rannu gwybodaeth. Bydd yr ysgol yn trafod unrhyw bryderon sydd gennym gyda chi hefyd fel ein bod ni'n gallu gweithio gyda'n gilydd i oresgyn unrhyw broblem.

Ein nodau ac amcanion yn y blynyddoedd cynnar

"Bydd plant yn dysgu trwy weithgareddau... uniongyrchol gyda... 'chwarae' yn darparu'r cyfrwng..."

"Mae profiadau uniongyrchol yn galluogi plant i ddatblygu dealltwriaeth o'u hunain a'r byd maent yn byw ynddo."

(Fframwaith ar gyfer Dysgu Plant 3-7 oed yng Nghymru)

Rydym yn ceisio gwneud hwn mewn awyrgylch diogel ac atyniadol; lle gwerthfawrogir ymdrech plant; a chyflwynir gweithgareddau gwahaniaethol, cynhwysol, ymarferol ac heriol sy'n annog annibyniaeth.



Cwricwlwm i Gymru

Iaith, Llythrennedd a Chyfathrebu:

Yn y maes hwn, bydd y plant yn astudio amrywiaeth o storïau a cherddi, ac yn cyfathrebu mewn ffyrdd llafar, ysgrifenedig neu weledol. Anogir y plant i ddefnyddio'r Gymraeg ym mhob gweithgaredd yn ystod y dydd.

Sut allwch chi helpu:

Rhowch cyfleodd i'ch plentyn arbrofi a gwneud marciau. Helpwch eich plentyn i adnabod ac adeiladu eu henw. Mae rhaglenni addas i'r plant ar Cyw ar S4C bob dydd. Darllenwch amrywiaeth o storïau gyda'ch plentyn yn aml.

Mathemateg a Rhifedd:

Yn y maes hwn, bydd eich plentyn yn datblygu dealltwriaeth o rifau ac yn defnyddio symbolau mewn mathemateg. Byddant yn archwilio cysyniadau yn ymwneud â rhif, siâp, gofod, patrwm, pwysau, mesur, arian a chyfaint trwy amrywiaeth o weithgareddau ymarferol.

Sut allwch chi helpu:

Gallwch dynnu sylw at gysyniadau mathemategol pob dydd e.e. rhifau ar ddrysau, cyfiri gwrthrychau, chwarae gemau rhif, adio a thynnu gwrthrychau, cyfiri wrth gerdded, tynnu sylw at, a chyfiri arian wrth siopa a phwyso cynhwysion wrth goginio.

Y Dyniaethau:

Yn y maes hwn, bydd eich plentyn yn dysgu am eu cynefin, y gymdeithas a'r byd o'u hamgylch, gan ffocysu ar ddigwyddiadau yn y gorffennol a'r presennol. Bydd y plant yn archwilio'r heriau a'r cyfleodd sy'n wynebu dynoliaeth a sut y gallwn ddiogelu'r byd a'i bobl yn y dyfodol.

Sut allwch chi helpu:

Tynnwch sylw at y byd o'u cwmpas fel y bod cyfleodd yn codi o ddydd i ddydd.



Cwricwlwm i Gymru

Gwyddoniaeth a Thechnoleg:

Yn y maes hwn, bydd eich plentyn yn dysgu am wyddoniaeth ffisegol, cyfrifiadureg a dylunio a thechnoleg. Byddant yn dysgu am ddylunio a pheirianeg, pethau byw, mater, grymoedd ac egni, a sut mae cyfrifiaduron yn gweithio.

Sut allwch chi helpu:

Rhowch gyfleoedd i'ch plentyn arbrofi gydag amrywiaeth o ddeunyddiau e.e. dŵr, tywod, a deunyddiau naturiol sydd i'w canfod yn yr awyr agored.

Rhowch gyfleoedd i'ch plentyn ddilyn cyfarwyddiadau cam wrth gam i gyrraedd nod terfynol.

Celfyddydau Mynegiannol:

Yn y maes hwn, canolbwyntir ar ddatblygu sgiliau creadigol, artistig a pherfformio trwy archwilio celf, dawns, cerdd, drama, ffilm a chyfryngau digidol.

Sut allwch chi helpu:

Rhowch gyfleoedd i'ch plentyn arbrofi gydag amrywiaeth o ddeunyddiau e.e. pensiliau, creonau, deunydd 'collage', siswrn, glud. Anogwch eich plentyn i ganu, gwrando ar amrywiaeth o gerddoriaeth ac i chwarae offeryn syml. Rhowch gyfleoedd iddynt chwarae'n ddychmygol e.e. gwisgo lan.

Iechyd a Lles:

Yn y maes hwn, bydd eich plentyn yn dysgu am iechyd corfforol a meddyliol gan gynnwys lles emosiynol. Mae plant yn dysgu amdanynt eu hunain a'u perthynas â phlant eraill ac oedolion o fewn eu teulu a thu allan iddo. Anogir y plant i gyfathrebu ag eraill ac i fod yn hyderus, annibynnol a chyfrifol. Byddant hefyd yn dysgu am fwyta'n iach a sut i wneud penderfyniadau da.

Sut allwch chi helpu:

Siaradwch yn bositif gyda'ch plentyn am ffrindiau, perthnasau ayyb. Anogwch nhw i barchu eraill ac i fod yn annibynnol a chyfrifol e.e. i dacluso eu teganau, gwisgo eu hunain a rhannu.



Cyn ysgrifennu a darllen

Cyn y gall eich plentyn ysgrifennu, rhaid iddo allu:

- Tynnu llun dynol manwl;
- Mwynhau defnyddio pensil a'i ddefnyddio'n gywir; (peidiwch cywiro os defnyddir y llaw chwith)
- Sylwi ar wahaniaethau bach mewn lluniau; (mae llythrennau fel p, d, b yn debyg iawn)
- Dilyn llinell gyda'i fys;
- Tros ysgrifennu llinellau; (syth ac igam-ogam)
- Mwynhau a chael digon o brofiadau esgus ysgrifennu;
- Dilyn a chopio patrwm dilyniannol.

Cyn y gall eich plentyn ddechrau darllen, rhaid iddo allu:

- Mwynhau gwrando ar storiâu ac eisiau darllen;
- Trin llyfrau'n gywir;
- Siarad am luniau;
- Sylwi ar bethau tebyg a gwahanol;
- Darganfod dau lun yr un fath;
- Deall bod gan brint ystyr;
- Sylwi ar eiriau o'i gwmpas; (e.e. labeli bwyd, geiriau ar ddillad ayyb)
- Deall ein bod yn darllen o'r chwith i'r dde ac o'r top i'r gwaelod;
- Gallu copïo a dilyn patrwm dilyniannol;
- Adnabod y rhan fwyaf o synau;
- Gwybod rhai geiriau e.e. ei enw, enwau teulu ayyb.



Cwestiynau sy'n cael eu gofyn yn aml

Pa fanteision sydd i fy mhlentyn fod yn ddwyieithog?	Mae ymchwil yn dangos fod plant sy'n siarad mwy nag un iaith yn gallu meddwl yn fwy creadigol a hyblyg. Mae siarad iaith arall yn agor drysau i amrywiaeth o gyfleoedd a gweithgareddau gwahanol. Dwy iaith - dwywaith y dewis a dwywaith y cyfleoedd.
Ydy Cymraeg yn iaith anodd i'w dysgu?	Nac ydy! Gyda chefnogaeth, gall unrhyw blentyn ddysgu Cymraeg.
A yw plant yn cymysgu rhwng y ddwy iaith?	Ar y dechrau, bydd rhai plant yn defnyddio cymysgedd o'r ddwy iaith ond mewn dim, byddant yn gallu dweud y gwahaniaeth rhwng y ddwy iaith. Byddant yn ateb yn yr iaith mae'r person sy'n siarad gyda nhw yn ei defnyddio.
Sut bydd y rhiant na all siarad Cymraeg yn teimlo a sut allant helpu?	Nid oes rhaid iddynt deimlo allan ohoni. Mae'r rhan fwyaf o blant wrth eu bodd yn esbonio beth sy'n cael ei ddweud yn Gymraeg. Mae'n bwysig eu bod nhw'n cefnogi'r plentyn ac yn cymryd diddordeb.
Os ydy un rhiant yn siarad Cymraeg, sut allant helpu?	Mae hwn yn sefyllfa gyffredin yng Nghymru. Mae'n bwysig bod y rhiant sy'n gallu siarad Cymraeg yn siarad Cymraeg gyda'r plentyn cymaint â phosib. Mae hefyd yn bwysig eich bod yn dangos agwedd bositif at yr iaith. Dangoswch eich bod yn mwynhau siarad Cymraeg a bydd eich plentyn yn hefyd!
Rwy'n hoffi darllen gyda fy mhlentyn, oes rhaid darllen yn y Gymraeg?	Nac oes, darllen gyda nhw sy'n bwysig. Unwaith bydd eich plentyn wedi dysgu darllen, byddant yn defnyddio'r yr un sgiliau i ddarllen yn Gymraeg ac yn Saesneg.

